



Na osnovu člana 70. st. (1) i (3), a u vezi sa članom 26. Zakona o javnim nabavkama („Službeni glasnik Bosne i Hercegovine“ br. 39/14, 59/22 i 50/24)(u daljem tekstu: Zakon), člana 67. Statuta „Elektroprenos – Elektroprijenos BiH“ a.d. Banja Luka, Zapisnika o pregledu i ocjeni ponuda broj: JN-OGP-1116-117/2024 od 19.8.2026. godine i preporuke Komisije za javnu nabavku date u istom, u ograničenom postupku javne nabavke robe broj: JN-OGP-1116/2024 – Nabavka i ugradnja novog telekomunikacionog sistema, Generalni direktor „Elektroprenos – Elektroprijenos BiH“ a.d. Banja Luka, donosi

O D L U K U

o izboru najpovoljnijeg ponuđača

I

Najpovoljniji ponuđač u drugoj fazi ograničenog postupka javne nabavke robe broj: JN-OGP-1116/2024 – Nabavka i ugradnja novog telekomunikacionog sistema je:

- Grupa ponuđača: Saga d.o.o. Beograd, Saga NFG d.o.o. Banja Luka, Telegroup d.o.o. Banja Luka, Telegroup d.o.o. Beograd, Artco Group d.o.o. Sarajevo,

sa ponudom broj: 830/1 od 3.7.2026. godine (koja je kod Ugovornog organa zaprimljena pod brojem protokola: JN-OGP-1116-109/2024 dana 13.7.2026. godine), sa ukupno ponuđenom cijenom od **20.444.280,00 EUR (39.985.536,15 KM) bez PDV-a.**

O b r a z l o ž e n j e

„Elektroprenos – Elektroprijenos BiH“ a.d. Banja Luka, kao Ugovorni organ (u daljem tekstu: Ugovorni organ) na osnovu Odluke o pokretanju postupka javne nabavke broj: JN-OGP-1116-2/2024 od 10.10.2024. godine, proveo je ograničeni postupak javne nabavke robe broj: JN-OGP-1116/2024 – Nabavka i ugradnja novog telekomunikacionog sistema. Za predmetni ograničeni postupak javne nabavke u prvoj fazi postupka je objavljeno Obavještenje o nabavci broj: 1280-2-1-2-3-4/25 od 8.1.2025. godine, te ispravke za obavještenje o nabavci broj: 1280-2-1-2-8-82/25 od 5.2.2025. godine i 1280-2-1-2-8-90/25 od 13.2.2025. godine, na Portalu javnih nabavki BiH.

Procijenjena vrijednost nabavke bez PDV-a iznosi 40.000.000,00 KM.

Kriterijum za dodjelu ugovora, utvrđen tenderskom dokumentacijom, je najniža cijena.

Za provođenje predmetnog postupka nabavke, Ugovorni organ je Rješenjem broj: JN-OGP-1116-3/2024 od 10.10.2024. godine, imenovao Komisiju od 5 (pet) članova.

Komisija za predmetnu javnu nabavku je sprovela prvu fazu postupka (pretkvalifikacija) te je, na osnovu Zapisnika o ocjeni zahtjeva za učešće broj: JN-OGP-1116-41/2024 od 25.6.2025. godine i preporuke Komisije date u istom, donesena Odluka o rezultatu pretkvalifikacije kandidata broj: JN-OGP-1116-49/2024 od 4.7.2025. godine kojom je utvrđeno da je grupa kandidata: Saga d.o.o. Beograd, Saga NFG d.o.o. Banja Luka, Telegroup d.o.o. Banja Luka, Telegroup d.o.o. Beograd, Artco Group d.o.o. Sarajevo, kvalificirana za učešće u drugoj fazi ograničenog postupka javne nabavke (faza poziva za dostavljanje ponuda). Navedena odluka dostavljena je svim kandidatima uz Obavještenje o rezultatu pretkvalifikacije kandidata broj: JN-OGP-1116-50/2024 od 4.7.2025. godine. Protiv Odluke o rezultatu pretkvalifikacije kandidata izjavljene su dvije žalbe. Ured za razmatranje žalbi BiH (u daljem tekstu: URŽ) donio je rješenja broj: JN2-01-07-1-1213-10/25 od 11.9.2025. godine i broj: JN2-01-07-1-1212-8/25 od 11.9.2025. godine, kojima su žalbe odbijene kao neosnovane, čime je Odluka o rezultatu pretkvalifikacije kandidata postala konačna i izvršna. Protiv Rješenja URŽ broj: JN2-01-07-1-1212-8/25 od 11.9.2025. godine pokrenut je upravni spor pred Sudom Bosne i Hercegovine, a rješenjem Suda Bosne i Hercegovine broj: S1 3 U 053094 25 U od 6.11.2025. godine odbijen je zahtjev za odgađanje izvršenja upravnog akta.

U drugoj fazi ograničenog postupka Ugovorni organ je jedinom kvalifikovanom kandidatu dostavio tendersku dokumentaciju broj: JN-OGP-1116-84/2024 od 27.5.2026. godine, zajedno sa Pozivom za dostavljanje ponuda broj: JN-OGP-1116-85/2024 od 27.5.2026. godine, putem Portala javnih nabavki BiH dana 28.5.2026. godine, što je kandidat preuzeo istog dana. Izmjena tenderske dokumentacije broj: JN-OGP-1116-106/2024 od 29.6.2026. godine dostavljena je kandidatu putem Portala javnih nabavki BiH dana 29.6.2026. godine i preuzeta istog dana, a istom je određen krajnji rok za dostavljanje ponuda: 13.7.2026. godine do 11:30 sati. Navedene činjenice utvrđene su na osnovu Izvještaja o preuzimanju tenderske dokumentacije od strane kandidata sa Portala javnih nabavki, zaprimljenog kod Ugovornog organa pod brojem protokola: JN-OGP-1116-110/2024 dana 13.7.2026. godine. Za drugu fazu ograničenog postupka obavještenje o nabavci se ne objavljuje.

Komisija za predmetnu javnu nabavku je blagovremeno i pravilno izvršila otvaranje ponuda dana 13.7.2026. godine, o čemu je sačinila Zapisnik o otvaranju ponuda u drugoj fazi ograničenog postupka broj: JN-OGP-1116-112/2024 od 13.7.2026. godine, u kojem je konstatovano da je ukupno pristigla 1 (jedna) ponuda i to:

1. Grupa ponuđača: Saga d.o.o. Beograd, Saga NFG d.o.o. Banja Luka, Telegroup d.o.o. Banja Luka, Telegroup d.o.o. Beograd, Artco Group d.o.o. Sarajevo.

Komisija za javnu nabavku je izvršila pregled i ocjenu ponude, o čemu je sačinila Zapisnik o pregledu i ocjeni ponuda broj: JN-OGP-1116-117/2024 od 19.8.2026. godine, u kojem je konstatovano, da je u drugoj fazi ograničenog postupka javne nabavke robe broj: JN-OGP-1116/2024 – Nabavka i ugradnja novog telekomunikacionog sistema:

- pristigla ponuda blagovremena;
- ponuda grupe ponuđača: Saga d.o.o. Beograd, Saga NFG d.o.o. Banja Luka, Telegroup d.o.o. Banja Luka, Telegroup d.o.o. Beograd, Artco Group d.o.o. Sarajevo je prihvatljiva, jer je u svemu ispunila zahtjeve tražene tenderskom dokumentacijom;

- provjerom računske ispravnosti ponude nisu utvrđene računske greške, a ponuđač nije ponudio popust.

U toku pregleda i ocjene ponude Komisija se, u skladu sa članom 68. stav (4) tačka f) Zakona, obratila ponuđaču Zahtjevom za objašnjenje radi otklanjanja nejasnoće u ponudi broj: JN-OGP-1116-114/2024 od 14.8.2026. godine, koja se odnosi na stavku 1.1.1 Priloga 5 tenderske dokumentacije. Ponuđač je u ostavljenom roku dostavio pisano objašnjenje, zaprimljeno kod Ugovornog organa pod brojem protokola: JN-OGP-1116-116/2024 dana 17.8.2026. godine, koje se u cijelosti zasniva na sadržaju ponude kakav je postojao u trenutku isteka roka za dostavljanje ponuda. Objašnjenjem nije izmijenjen nijedan element ponude, niti je isto predstavljalo pregovore u smislu člana 65. stav (3) Zakona. Komisija je ocijenila da je dostavljeno objašnjenje ispravno, da je uočena nejasnoća u cijelosti otklonjena, te da ne postoji osnov za odbacivanje ponude iz člana 68. stav (4) tačka f) Zakona.

S obzirom da je u predmetnom postupku javne nabavke zaprimljena jedna prihvatljiva ponuda, Ugovorni organ nije proveo E-aukciju.

Cijena ponude iskazana je u EUR i preračunata je u KM po srednjem kursu Centralne banke Bosne i Hercegovine na dan otvaranja ponuda (1 EUR = 1,95583 KM), te ukupna cijena ponude bez PDV-a iznosi 39.985.536,15 KM, čime cijena ponude nije veća od procijenjene vrijednosti nabavke. S obzirom na to da je nosilac grupe ponuđača strano lice, obračun i plaćanje PDV-a izvršiti će se u skladu s propisima o porezu na dodanu vrijednost i carinskim propisima Bosne i Hercegovine, a ponuđač je uz ponudu dostavio izjavu o namjeri angažovanja poreskog punomoćnika, te se cijena ponude iskazuje bez PDV-a.

Komisija za javnu nabavku dostavila je Generalnom direktoru Zapisnik o pregledu i ocjeni ponuda broj: JN-OGP-1116-117/2024 od 19.8.2026. godine sa preporukom o izboru najpovoljnijeg ponuđača u ograničenom postupku javne nabavke robe broj: JN-OGP-1116/2024 – Nabavka i ugradnja novog telekomunikacionog sistema.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti kandidata u prvoj fazi postupka, te pregled i ocjenu prispjele ponude u drugoj fazi postupka u skladu sa kriterijumima iz tenderske dokumentacije.

Zbirna tabela sa rangiranjem ponuđača za predmetnu nabavku:

Rang	Naziv ponuđača	Cijena ponude u EUR/KM bez PDV-a
I	Grupa ponuđača: Saga d.o.o. Beograd (nosilac grupe) Saga NFG d.o.o. Banja Luka Telegroup d.o.o. Banja Luka Telegroup d.o.o. Beograd Artco Group d.o.o. Sarajevo	20.444.280,00 EUR (39.985.536,15 KM)

Iz naprijed navedenih razloga, primjenom člana 64. stav (1) tačka b) Zakona, odlučeno je kao u tački I ove odluke.

Izabrani ponuđač je u obavezi da, prije zaključenja ugovora, dostavi dokumentaciju traženu tačkom 14.1 tenderske dokumentacije, i to originale ili ovjerene kopije poslovnih bilansa, dokumentaciju traženu tačkom 41.1 tenderske dokumentacije, te izjavu o visini avansa u skladu sa tačkom 44.3 tenderske dokumentacije, a koje uz ponudu nije dostavio.

Prijedlog ugovora o nabavci dostaviće se na potpis izabranom ponuđaču po isteku roka od 15 dana, računajući od dana kada je ponuđač obaviješten o izboru najpovoljnije ponude.


Ova Odluka će se dostaviti ponuđaču koji je učestvovao u drugoj fazi ograničenog postupka javne nabavke i objaviće se na web stranici www.elprenos.ba istovremeno sa upućivanjem ponuđaču, u skladu sa članom 70. stav (6) Zakona.

POUKA O PRAVNOM LIJEKU

Protiv ove odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove odluke, na adresu:

"Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.

Predsjednik komisije za JN


Irfan Penava, dipl. ing. el.

Izvršni direktor za planiranje sistema
i inženjering:


Alaudin Alihodžić, dipl. ing. el.

Dostaviti:

- Grupi ponuđača putem ovlaštenog predstavnika grupe: Saga d.o.o. Beograd,
- Direkciji 03,
- Evidenciji.


Generalni direktor
Dr Miro Džakula

"Elektroprenos Bosne i Hercegovine" a.d. Banja Luka JIB: 4402369530009
78000 Banja Luka, Marije Bursać 7a, ID broj PDV:
Tel. +387 51 246 500, Fax: +387 51 246 550 402369530009
Operativna područja: MB: 11001416
Banja Luka, Sarajevo, Mostar i Tuzla BR: 08-50.3.-01-4/06
Ministarstvo pravde BiH
Sarajevo

Korisničke banke i brojevi računa
Nova Banka a.d. 5550070151342858
UniCredit Bank a.d. B. Luka 5510010003400849
Bosna Bank Int. d.d. Sarajevo 1413065320340257
Atos Bank a.d. Banja Luka 5672411000000702
ASA Banka d.d. Sarajevo 1341051110000221